

近代中國史料叢刊第二十三輯
沈雲龍主編

復菴先生集

陶世鳳編

文海出版社印行

復庵先生集

丙寅秋七月無錫
許氏用聚珍版印

復庵先生集序

宋楊中立先生倡道東南發明伊洛之學明道先生喜曰吾道南矣其學說流衍於吾蘇而大盛於閩後二百餘年吾錫遂設東林書院建道南祠高忠憲顧文端兩公實主之激厲名節風動一時是爲無錫理學派之始後百餘年吾錫又有秦文恭公潛研禮學纂五禮通考開物成務網絡羣流是爲無錫經學派之始又百年曾文正公崛起湘鄉吾錫薛叔耘先生從之游功業文章令聞至今不絕所著有庸盦文集籌洋芻議等書舟車所至紀載燦然是爲無錫時務學派之始厥後數十年猶有繼起者則吾友許靜山先生是也先生邃於高顧之學博通時務於經世治國之略元元本本殫見洽聞卓然爲明體達用之君子歲壬午與余同舉於鄉長余二十餘歲一見深相契遂爲忘年交每應京兆試先生寓居

前孫公園錫金會館余寓居求志巷太倉會館相距伊邇時相過從閱十年余服官農曹先生至京每來夜談相與翦燭西窗盱衡時局輒慷慨大言謂救國救民之事舍我輩其誰任之又閱十年余改官商部先生出使義國貽書勸勉情誼懇拳謂今日能無赫赫之名異時可免悠悠之口其所以愛我者在天下後世每念良友箴規感惕之餘不禁爲之流涕也又閱十年政變事起先生俯仰身世憂鬱以終余亦蟄伏空山中心如噎追憶舊游恍同隔世而所謂救國救民之志早消磨於風霜兵燹之中斯則流涕之餘不禁繼之以痛哭者也又閱十餘年先生令子叔娛寄余復庵集十卷屬爲序言展讀之則琅琅鉅製如飭內治慎外交整理財政嚴禁鴉片諸大端舉宜見諸設施淑世而行遠而寄余二書亦附見集中音徽雖沫墨跡猶新因思先生砥德礪行蓄積經猷迺溯

其平生既不如秦文恭公之遭際盛時并不如叔耘先生之贊襄宏業一使異邦不獲大展其用徒抱離騷忠愛之忱旋遭王風黍離之恨賈志入地耿耿孤懷豈不痛哉若夫振興高顧絕學吾兩人本有同心今先生不幸逝世久矣如余之學行不修孤立無助尙安能挽既倒之狂瀾乎滔滔者天下皆是誰以易之斯則流涕之餘更不禁繼之以痛哭者也猶幸先生四子文伯昆季俱能世其家文孫壽平問業於余若發穎豎蘄然見頭角深冀其篤信好學崇實斂華庶幾希聖希賢有以成先生未竟之志余雖衰老猶期身及見之而告慰先生於地下也年愚弟唐文治拜撰

序

壬戌五月文伯昆仲編次其尊人復庵遺集既竟數以序文爲請且曰吾父之友零落殆盡知吾父者宜莫如子子不可以不言嗟乎敦世固總角識先生者也先生爲叔兄潛叔至友河聲嶽色迥出儕輩童子獨心好之先生來輒嬉戲於其側去則模放其聲音笑貌以爲樂敦世稍長而先生頻歲出游丁文誠撫東督川風采動海內先生實左右之迨自蜀歸而叔兄卒先生哭之慟推其愛以及敦世其所以勗之者甚至言近而惜遠知爲魁閎丈夫也甲申以後外患日亟益研究中外得失之故名籍籍公卿間方正如閻文介忠鯁如鹿文端皆一見驚爲國士嘗薦充使美隨員又歷充英美參贊一任出使義國大臣環游九萬里前後十餘載鄒衍談瀛之作先生獨唾棄之其所得固有大於此者當光緒初葉英

俄德法皆鷹麟虎視以我爲俎上肉美頗憤列強之不平於中國顧僻處一洲不遑遠略以李文忠之洞悉外情亦有重歐輕美之論先生於丙戌上許恭慎書獨昌言聯美殆無不笑其迂者乃越三十六年而太平洋會議告成中國恃以不亡者在此其規國之識雖古之虜使何以加焉居恆太息於陸宣公范文正李忠定之不再見爲吾吳之恥皇皇畢生而不求一日安者其志固有所在也晚歲睹貪夫之敗類新政之禍民練兵之自殺已有岌岌不可終日之勢大命忽傾奸人盜國綱常名教掃地以盡孤憤填膺而不能自己有時賓朋酬酢縱論所及輒奮髯裂眦聲震四座客或逡巡引去不之顧也卒之紫色鼉聲天厭厥德及汝偕亡千夫所指而先生亦遂一瞑不視尤可哀已烏虜先生亦知今日之颺言於簡端者固昔日隅坐讀書之童子乎獨念先生與叔兄皆潛心

高顧之學卓然爲東林之後起使一旦得行其志何難以昌明正學揚一代之光乃一奪其年一厄其遇此則世運爲之固宜有當之者也然厄其遇者不能厄其言觀禁煙立憲興學諸疏慷慨指陳動關國本正人心而息邪說尤能言人所不敢言雖言不必聽而望重天下名在國史以視叔兄之蘊而不發爲幸多矣敦世無狀力不能不死吾兄又何足以辱先生而義不容辭固不自知其言之嗚咽也同里秦敦世序

復庵先生像
俞復敬題



故出使義國大臣許君像贊
於穆許君謀國遠圖揆度得失獻
納計謨曰師周官行人之掌五物
辨異為書以上天地閉革時晦道
亡蘭蕕無並陵阿是藏懷、碩人
扶世翼教志鬱貌豐惟忠惟孝

閩縣陳寶琛敬題



復庵先生集目錄

卷一 奏議

請慎外交飭內治摺 請修改稅則片 請試辦國債並加洋藥
稅釐呈請代奏摺 考察義國政俗及外交情形摺 請倣義國
稅則加徵煙稅摺 議加煙稅請在英商辦片 續陳義國權煙
大略請先就土藥整頓試辦摺

卷二 奏議

東省日俄構兵預籌歸宿摺 請飭考察政治大臣謁見教王摺
敬陳管見呈請代奏摺 新政籌款不宜擾民片 學務亟宜
釐正呈請代奏摺 請變通禁煙期限因地制宜呈請代奏摺
洋土藥停運有期請飭各省勘查并派專員監理呈請代奏摺

卷三 公牘

錫金同鄉官紳公呈都察院請在籍試辦戒煙局文 公呈江蘇
巡撫鹿中丞文 上兩廣督院說帖請設籌餉公所 照會粵紳
文 咨呈外務部譯送義國財政彙攷 咨呈財政處譯送義國
銀行章程 致外務部丞參函 十七件 致鄒紫東部郎 致顧
康民侍郎 上外務部說帖 上民政部林侍郎書

卷四 文

原治 三首 正本制用篇 山西商務以禁煙爲本議 二首 錫

金兩邑倡辦禁煙約言 有福讀書堂叢刻四種序 義大利關

卡稅則序 義大利權煙志略序 義大利國債冊律章程彙編

序 禁煙諭摺輯錄書後 跋林文忠公戒煙斷癮方後 跋銅

官感舊圖題詠冊 題高忠憲公圖像 秦節孝婦周孺人事實

冊題詞

卷五 文

秦笠亭先生八十壽序 孫仰泉先生八十壽序 單蓉坡七十
壽序 王蓋承六十壽序 旌表節孝歸樂安仲姊八十壽序
家世事略 曉亭顧公傳 顧耘萼先生墓田記 重建惠山尊
賢祠記 書晉陽二姬事 范孟和像贊 祭丁文誠公文 祭
閣文介公文

卷六 詩

讀文信國正氣歌 荔江晚眺 述夢 哭伯姊 四首 謁范文
正公祠 詠錫金古跡 五首 讀史 二首 清江道中 二首 過
舊黃河 早行有感 陪穉璜宮保游千佛山賦呈 九月初六
日發無錫 漢陽別弟 車中偶成 晉陽試院偶成 人日登
太原西城寄故鄉諸子 汾州道中 過韓侯嶺謁淮陰侯墓

晉中懷人詩二首

華州道中寄范孟和

題馬跑泉

自和尙

原入大散關

庚辰二月二十七日生朝述懷

七首

讀史三首

丙戌春隨使赴美洲過日本卽席答岡鹿門千仞

題鄒壯節

公遺像

倫敦使廨寄顧延卿卽次其韻

己亥九月自晉入都

山行連日感事述懷雜書所見得詩五章

鄭州車中

癸卯冬

至海外設祭愴然感賦示同范同華兩兒念曾孫

四首

和孫慕

韓星使

乙巳元旦立春書懷用韓魏公集中至和乙未元旦立

春韻

丙午二月二十七日舟經南洋將抵新加坡寄示范兒

有懷

庚戌五月之望泛舟珠江與同人爲消暑第一集卽景書

懷 乙卯六月十八日伯升邀游水居明日賦詩四章見示余久

疎吟詠勉成一律

卷七

書札

上丁稚璜宮保 上座師許星叔先生 與宗湘文 上許星叔

先生 二首 上閣中堂 上許星叔先生 二首 與錢念劬 復

姚子良 與顧延卿 與李豫巖 二首 與秦來卿 與鄭蘇龕

復許九薌 復張梅航 復孫仰泉先生 復李豫巖 二首

卷八 書札

上張香濤制軍 三首 上翁叔平中堂 與袁爽秋 上廖仲山

尙書 上趙展如尙書 與旅京同鄉諸君 與李豫巖 與王

旭旦 與鮑潤漪 上趙展如尙書 上鹿大軍機 二首 上岑

雲階中丞

卷九 書札

上鹿大軍機 二首 上趙次山尙書 致柯巽庵 上錫清弼制

軍 二首 與鄒紫東 與唐蔚芝 二首 與廉惠卿 與曹再韓

與鄒紫東 與李豫巖 二首 與孫慕韓 與胡馨吾 與楊

誠之 與王少谷 與王蕙承 與鮑潤漪 與鄒渭清 上錫

清帥 與林惠亭 與鄒紫東 與劉幼雲 與鮑潤漪 上陳

伯潛侍郎 與龔子達 與許九薌 復王蕙承 復程雨亭

復于晦若侍郎

卷十 家書節錄

與二弟 二十則 諭同范 二十四則 諭同藺 二十八則 諭同

藺同萊 三則 諭同萊 二十三則 諭從子同莘 二十九則 與

楊章甫甥 三則

附錄

遵 旨與美國重訂約款摺 通籌寓美華民善後事宜摺 查

明墨國情形暫難定約摺 上李中堂書 告諭寓美華民文 終

復庵先生集卷一

無錫許珏靜山撰

門人陶世鳳丹翼纂

奏議一

請慎外交飭內治摺

光緒二十四年十月二十四日

奏爲時局日艱請慎外交以弭隱患飭內治以裕本圖恭摺具陳
仰祈

聖鑒事竊臣於本月初三日蒙

恩召見仰荷

皇太后垂詢海外各國情形草茅下士初覲

闕廷瞻仰

天威不無震懾詞不別白未能舉要夙夜籌思殊自惴惴茲謹爲
皇太后

皇上詳晰陳之竊維方今環球各國俄英最強德法日本次之美
爲最富第其間與我恩怨損益之數各殊故離合嚮背之情亦異
若不熟思詳審先定宗旨則交鄰旣失結援之義卽禦侮安有制
勝之方自昔列邦並峙玉帛敦槃雖同時四出而緩急之際必有
互相依倚之國或同憂共患或排難解紛然後外侮可得而禦鄰
好可得而久也臣於光緒十六年隨出使大臣薛福成至英駐倫
敦者三年頗知英與俄相忌之故英以印度爲外府自俄人拓境
益南與印度相接印兵雖經英人教練然生長炎方蠢愚情弱不
任戰事設一旦俄人長驅南下印度必不能支非調英倫三島之
兵不能言戰而中間必經蘇彝士河儻爲他國所阻則印度之亡
翹足可待又百年以來東方商務英人獨攬利權自俄人議造西
伯利亞鐵路英人慮汽車一行異日歐洲來華之人必舍舟而陸

輪船之利將爲所奪緣此二端英意不欲中俄交合每思挑動中俄之衅以冀俄人先疲兵力於東方稍緩印度之禍又知中國兵力不能敵俄屆時如求助於英既可乘機取利卽我或不求助而藉口不甘讓俄俄得尺亦尺得寸亦寸今春旅順威海之事卽其明證此英謀國之素志非倉猝出此也今議者或謂俄有覬我土地之心英僅圖商務之利夫英人不貪土地何以緬甸之役不崇朝而滅人之國且據土地而有之則其地之商務又將焉往欺人之論不辯自明竊謂自海上通商以來英人於我結怨最先受侮亦最甚道光咸豐兩朝受侮之事歷年稍久姑置弗論光緒甲午秋間倭衅始作英人於我則袖手旁觀於倭則暗中接濟陽託公法陰助詭謀迨至馬關立約之後俄法德代我索還遼東已失之地中俄交合許借東三省地築造鐵路英始自悔失計因而徧播

謠言謂俄意叵測中國墮其術中屢載於英國新聞報我中國時務報從而繙譯之一時士大夫之不明外交者爲其所愚遂有聯英防俄之說又值德人膠州之事中國應付未合機宜今春復因借英款一事致觸俄忌於是無識之徒始倡聯英之說者繼則并欲聯倭但務棄惡崇好之說絕無明恥復仇之心本年夏秋之間皇上勵精圖治采用西法凡開辦學堂等事羣議奉倭人爲圭臬馴至康有爲之逆謀因此而起所謂涓涓不絕將爲江河履霜堅冰良可畏也今逆謀敗露羣小四散咸以英倭爲逋逃淵藪是則英倭之不可親暱計亦在

聖明洞鑒之中然臣猶覩縷言之者冀

朝廷察已往之迹爲未來之防毋蹈一誤再誤之弊也俄人與我二百年來尙無衅隙東西北三面疆土毗連幾及二萬里俄自知

爲英所忌尤不欲中國爲英所愚中國如果處置得宜推誠相待
臣料俄斷不先英發難且今日東三省已允築路旅順已允作租
界既予俄以莫大之利而又輕信局外挑釁之說致啓猜嫌是以
利予俄而仍不得俄之助謀國之道豈宜進退無據若此至於倭
之與俄已成不能兩立之勢倭人志驕氣盈冀圖一逞度俄亦不
能久忍不過待時而動耳是則俄之與我固同憂共患之國也美
國獨處一洲當中美立約之始明言他國如欺藐不公美願爲之
居間和解載在簡書卽如中倭構兵之時臣充駐美參贊親見美
外部葛禮山極意關切頗多忠告惜其時中國急於言和未能聽
從然和議之成美亦有力方今外侮環生各國乘間要挾惟美仍
恪守約章從不多事又富甲地球諸國近數年來我於俄英德法
皆有借款獨未及美實則美國用心公平迥在諸國之上是則美

之於我固可資以排難解紛者也法與我前雖有衅第今日俄法之交方密我與俄合卽法亦當捐棄小嫌以待之德人反覆於英俄之間嚮背不常其君尤少年喜事臣昔在英曾見其人粗疏而好言用兵膠州之役已覩一斑然於吾華實不能爲大患是故就此數國論之英與倭皆包藏禍心我當陽爲結好陰爲隄防者也法與德當虛與委蛇權宜應付者也俄與美當誠信相結患難相倚者也不此之辨而泛泛焉視同一例則侮我者紛至沓來隱患方深總理衙門且日不暇給能辨乎此則宗旨已定應付裕如期年之後外侮必日減且我旣區畫得宜又安知英倭不私心折服轉而變計乎大抵中俄果無纖芥之隙則英倭決不敢輕爲嘗試但使五年之內能無兵事自可從容講求內治若兵端一開無論勝敗難知前車可鑒卽使不蹈甲午故轍而當事者方議餉議兵

之不暇何暇言內治乎臣之所謂慎外交以弭隱患者此也若夫內治之本在乎修明政教激勵人才其事固非一端而必以富民爲先務恭讀本月初三日

皇太后懿旨泰西各國風俗政令與中國雖有不同而兵農工商諸務類能力致富強確有明效苟能擇善而從次第舉辦自可日起有功總之興利除弊責在疆臣指陳得失責在言路凡有益於國計民生者切實陳奏以備采擇施行等因欽此仰見皇太后如天之度未嘗無采用西法因勢利導之心與

皇上振興庶務變法自強之意臣先後在海外八年審知外國富強之故不外興利除弊一言而察其用意所先則爲民興利之心尤不如爲民除弊之亟蓋能去大弊卽利民之最大者也中國數十年來致今日貧弱之弊者其咎安在蓋在民間吸食

鴉片煙而已今

在屋集卷一

皇太后垂念兵農工商諸務思次第舉辦第鴉片之害不除則諸務皆無從辦起查近年海關貿易冊洋藥進口每年尙五萬餘擔價值銀三千餘萬兩而民間完納稅釐加以販運水脚及至煎膏吸食視原來之價約加一倍是洋藥一項每年民間已耗銀六千萬兩矣然洋藥流毒祇在東南沿海數省今內地自山陝隴蜀以至滇黔徧種土藥議者妄謂藉此可以抵制洋藥乃外洋販運如故而內地種植益繁查上年戶部奏稱據總稅務司赫德摺開各省所產土藥之數每年計三十三萬四千擔而奉天黑龍江熱河新疆湖南湖北廣東廣西江西各省尙不在內臣初聞而疑之以爲未必若是之多及今春到山西親見連畦接畛徧種罌粟視光緒初年增多且將十倍而山西民人吸食之衆至婦孺徧受其毒

爲各省所未有然後知赫德所言殆非誣也土藥價值雖較洋藥
僅及其半然出產之數視洋藥多至六倍有餘則其價值之銀計
尙不止三倍雖稅釐較輕販運水脚較少然至煎食之時亦必視
原價加十之五是土藥一項每年民間耗銀一萬四五千萬兩矣
總計洋藥土藥兩項民間所耗之銀每年當在二萬萬兩以外頃
者倭人之衅賠款二萬萬兩天下痛心孰知民間爲鴉片所耗之
銀歲歲不啻一償倭之數循此不改貧者益貧弱者益弱人心日
壞風俗日漓未來之事殆不忍言

朝廷卽欲振興兵農工商諸務其可得乎恭繹

懿旨擇善而從次第舉辦之訓臣思西法之最善者莫如禁吸鴉
片一事鴉片出自印度雖地屬英國而英人嚴禁吸食無一犯者
他國更不待言日本事事倣行西法自割我臺灣之後已禁臺灣

之民不准吸食矣豈日本能禁中國獨不能禁乎然而今日內外臣工無敢以此說進者一則洋藥稅釐海關歲入之銀不下六百萬兩各省土藥稅釐徵收亦幾及三百萬兩有此九百餘萬兩之入款驟欲議禁司農必至仰屋無策一則道光年間因禁煙事與英人構兵至今動色相戒恐我卽欲議禁英國未必肯從而不知此皆不達今昔時勢及中外事宜之言也臣前在英國時曾與彼國禁煙會紳一再晤談其言深以印度損人利己貽毒中國爲恥光緒十七年英下議院紳一百六十餘人連名請英廷禁止印度勿再種販時英政府答覆議紳謂中國如因保護民生起見欲禁止鴉片入華或再加抽重稅但須十二箇月前知照英國決不因此起衅其禁煙會紳卽以此言來告中國駐英使臣謂此時係中國絕好禁煙機會且呈遞說帖請轉達中國政府當時出使大臣

薛福成曾將詳細情形函達總理衙門此光緒十八年五六月間事計總理衙門必有檔案可查是則謂我卽議禁而英國未必從者可弗慮也惟戶部當庫款支絀之時驟減此九百萬兩之入款實無從設法補苴然戶部所收者九百萬兩耳民間所耗者乃在二萬萬兩外上得其一而下所失者且不止二十倍揆之

朝廷損上益下惠愛斯民之心豈願出此且使此二十倍者不耗於鴉片以之築造鐵路以之籌開五金等鑛藏富於民爲利甚溥數年之後戶部所徵權者又豈止每歲九百萬兩而已乎此不能不亟思變計者也竊謂洋藥稅釐六百萬兩如能改定海關通商稅則仿照各國現行章程加重進口貨稅計每年所增不止六百萬兩以抵洋藥稅釐所入之數必有盈無絀土藥稅釐視洋藥本不及半但使改植五穀或察土性所宜兼植茶桑懷遵

懿旨講求農務究於戶部所損有限於農民所益實多總之民間每歲能免耗銀二萬萬兩數歲之後自必家給人足百廢俱興凡築路開鑛等事民力皆能自辦縱或暫借洋款而清償亦自無難若及今再不杜此漏卮則民財日涸生計彌艱不但農工商務之利無自而興卽中國築路開鑛等事勢將盡爲洋人攘奪後患殆無已時

懿旨謂內外臣工畏難苟安不知振作今若舍此不圖誠無逃於畏難苟安之責矣惟鴉片流毒積重已久議禁之始當酌予期限亦不必操之過蹙擬請

飭下各省將軍督撫自奉

旨日起予限一年內地一律不准栽種罌粟並刪除土藥地畝等稅以杜出產之源

飭下各省海關予限一年凡外國船隻不得再販洋藥來華如有
裝載到埠者一律不准起駁以絕販運之路仍先期由總理衙門
電知出使各國大臣照會各國外部並請

召見總稅務司赫德

諭以在中國効力已久必當殫竭忠悃除此積弊以昭兩國睦誼
如慮外交之道尙有未周則請

簡派公忠剛正不畏強禦之大臣專使英國告以中國爲保護民
生之故土藥旣禁自應并禁洋藥入華竊料英廷顧惜體面礙難
不允儻慮別有要求臣願隨同前往相機折辯必當得請而返決
不徒託空言如此則旣杜土藥出產之源又絕洋藥販運之路一
年之後民間卽欲吸食何從購取仍請
飭下各省將軍督撫通飭地方官自奉

旨日起廣設戒煙醫局凡吸食鴉片之人務令於一年之內速行戒絕並曉諭地方善堂紳董輾轉推廣同心勸導俾積弊一律廓清此則不待刑禁勢迫而小民感激

皇仁從此革面洗心各圖生計民力日勤風俗日美貧弱之積患既除富強之實效自見雖內治政教固非一端而除弊之大莫先於此臣之所謂飭內治以裕本圖者此也雖然臣以上所陳皆今日號爲通達時務之人所不肯言不屑言者也凡言洋務者必游移兩可不著邊際謂各國均難深信怨我德我皆不可恃貌爲審慎以示慮事之周實則依違以求藏身之固今臣請先定宗旨爲擇交之準則近於戇此其不肯言者也又必鋪張西法不量中國之能辦與否或議練民兵以備戰或籌開商會以裕財課其實則愴怛而難憑聽其言則新奇而可喜今臣請先去頑弊爲內治之